

տերիտորիաներն ամբողջովին: Ստվեղծվեց ամբողջական Չավնդուրի մահալը, որի մեջ մտավ նաև Աճանան-Քուրբի մի մասը: Տաթևի ընդարձակ մահալից նրա արևելյան հատվածը Գորիս կենտրոնով առանձնացվեց որպես Չանգեզուրի մահալ:

Երկրի պաշտպանության պարտականությունը վերցված էր մահալական մելիքների վրայից: Դա վաղուց անցած էր պետական կանոնավոր պորբին: Հասկանալի է, թե ինչու մելիքներն արդեն նախկին եռանդով չէին զբաղվում որսորդությամբ և այդ միջոցով իրենց ռազմական վարժությունը կրթում և բարձրացնում: Հենց այդ էր պատճառը, թե ինչու, օրինակ՝ Մելիք-Քանգի Բ-ն «սովորաբար որսի չէր գնում» և ոչ թե, ինչպես բացատրում է Ե. Լալայանը², որովհետև «որսորդության համար հարմար տեղեր չկային»: Մելիքական իշխանությունը ստացել էր զուտ քաղաքացիական բնույթ: Բեռնաթափվելով ռազմական պարտականություններից՝ մահալական մելիքները կարողանում էին ավելի էֆեկտիվ կերպով հանդես գալ երկրում խաղաղության պահպանողի, պետական եկամուտների բաշխողի և հավաքողի, հողային և անհատական վեճերի դատավորի դերում, ավելի օգտագործելով և իրենց պատժական հնարավորությունները: Այդ ֆունկցիաները կատարելու համար նրանց վերապահված էին նախկին եկամուտներից շատերը: Այդ եկամուտների տեսակների և չափերի մասին հետաքրքրական տեղեկություններ կարողացել էր իր ժամանակ հավաքել ծերունիներից Խնձորեսկի երկդասյան դպրոցի ուսուցիչ Ն. Շիրակունին³:

Մելիքները ստանում էին՝

1. Տասանորդ հացահատիկից և խոտից:
2. Ամեն ծուխից մի-մի բանվոր մելիքի տրտերը և խօսհարժը հնձելու և խոտը հավաքելու համար:
3. Մի-մի բեռ փայտ, որը պետք է բերվեր սեփական ձիով և ջորիով:
4. Ամեն երեք ընտանիքից՝ մի գուլթան մելիքի հողերից մի օրավար վարելու համար:
5. Գյուղական հասարակությունից՝ մեկ տարով վարձած ձիապան, խոհարար, ծառա և աղախին:
6. Կանայք պիտի գնային մելիքի բուրդը լվանայու, գզելու և մանելու, ինչպես և նրա այգիներից միրգը հավաքելու:
7. Նավասարդին՝ Նոր տարուն ամեն տան մեծը մի խնձորի մեջ արծաթ, երբեմն էլ ոսկի դրամ ցցած շնորհավորում էր մելիքի տոնը, բերելով և մի կուլա գինի և մի շիշ օղի:
8. Հարսանիքի նախօրյակին նորափեսայի հայրը քալօրի հետ տանում էր մի կուժ գինի, մի շիշ օղի, եղան սուկին և պլոճիկները մելիքից հարսանիքի թույլտվությունը ստանալու համար⁴:

² Լալայան Ե., Միսիան, էջ 22:

³ «Зангезурский уезд» СМОМПК, вып. XXXIV, отд. 1, էջ 203:

Այս հատվածից շնչին փոփոխություններով օգտվել է Ե. Լալայանը առանց աղբյուրը նշելու, Միսիան, էջ 22:

⁴ Նման բնույթի նվերներ մինչև վերջին ժամանակներս ստանում էին նաև գյուղի ֆոխվաները: Ըստ Շիրակունու վկայության, Խնձորեսկ գյուղի տաճուտեղը Նոր տարվա սոխթով նվեր-հավաքեց մոտ 10 փութ խնձոր և նուռ, 123 ու. արծաթ փող և յոթ դուլ գինի և օղի: